

唐
音
統
籤

丁籤七十五張籍之五

唐音統籤卷

十 三百四

五言律詩三

使回留別襄陽李司空

江亭寒日晚
絃管有離聲
從此一筵別
獨為千里行
遲遲戀恩德
役役限公程
迴首吟新句
霜雲滿楚城

留別江陵王少府

迢迢山上路
病客獨行遲
况此分襟日
當君失意時
寒林路遠一作春驛晚燒獵一作追荒陂別後空
回首相逢未有期

袁國別友

曉色荒城下相看秋草時
獨遊無定計不欲道來
期別處去家遠愁中驅馬遲
歸人渡烟水遙映野
棠枝

春日留別

道人欲別離半醉對花枝
看着春又晚莫輕年少
時臨行記分處回首是相思
各向天涯去重來未
有期

送嚴大夫之桂州

旌旆過湘潭幽竒得徧探
莎城百越北行路九疑

南有地多生桂無時不養蠶聽歌難辨曲風俗自
相諧

送人任濟陰

黃綬在腰下知君非旅行將書報舊里留褐與諧
生贈別盡沽酒惜歡多出城春風濟水上候吏聽
車聲

送李評事遊越

未習風塵事初為吳越遊露沾湖草濕夕一作日照
海山秋梅市門何在蘭亭水尚流西陵待潮處知
汝不勝愁

送韋評事歸華陰

三峯西面住出見世人稀
老大誰相識恹惶又獨歸
掃窓秋菊落開篋夜蛾飛
若訪雪中伴還應著褐衣

送李騎曹靈州歸觀

翻々出上京幾日到邊城
漸覺風沙起還將弓箭行
席其侵路暗野馬見人驚
軍府知歸慶應教數騎迎

送朱慶餘及第歸越

東南歸路遠幾日到鄉中
有寺山皆遍無家水不

通湖聲蓮葉兩野氣稻花一作風州縣知名久爭

邀與客同

送鄭秀才歸寧

桂襪綵為衣行當令節歸夜潮送浦遠盡兩見人
稀野艾到時熟江鷗泊處飛離琴一奏罷山雨霽
餘暉

送載從玄往蘓州

楊柳闌門路悠悠水岸斜乘舟向山寺著屐到漁
家夜月紅柑樹秋風白藕花江天詩景好迴日莫
令賒

送友生遊峽中

風靜楊柳垂看花又別離幾年同在此今日各驅
馳峽裏聞猿叫山頭見月時殷勤一盃酒珍重歲
寒姿

送友人歸山

出山成白骨重去結茅廬移石修廢井掃金盛舊
書開田留杏樹分洞與僧居長在幽峰裏樵人見
亦疎

送遠客

南原相送處秋水草還生

一作秋
草水還生

同作憶鄉客如

今分路行因誰寄歸信漸遠問前程明日重陽節
無人上古城

送安西將

萬里海西路茫茫邊草秋計程沙塞口望伴驛峰
頭雪暗非時宿沙漠獨去愁塞鄉人易老莫住近
番州

送防秋將

白首征西將猶能射戟支元戎還部曲軍吏換旌
旗逐虜招降遠開邊舊壘移重收隴外地應似漢
家時

送邊使

揚旌過隴頭隴水向西流塞路依山遠戍城逢雨
秋寒沙陰漫、疲馬去悠悠、為問征行將誰封定
遠戍

送越客

見說孤帆去東南到會稽春雲剡溪口殘月鏡湖
西水鶴沙邊立山懸竹裏啼謝家曾住處烟洞入
應送

送南客

行路兩脩、青山盡海頭天涯人去遠嶺北水空

流夜市連銅柱巢居屬象州來時舊相識誰向日
南遊

送蠻客

借問炎州客天南幾日行江連惡谿路山遠夜郎
城柳葉瘴雲濕桂叢蠻鳥聲知君却迴日記得海
花名

送海客歸舊島

海上去應遠蠻家雲島孤竹船來桂府山市賣魚
鬚入國自獻寶逢人多贈珠却歸春洞口斬象祭
天吳

送南遷客

去日遠遷客瘴中衰病身青山無限路白首不歸
人海國戰騎象蠻州市用銀一家分幾處誰見日
南春

送流人

獨向長安北黃雲暗塞天流名扁邊將舊業作公
田擁雪添軍壘收冰當井泉知君住應老須記別
鄉年

送新羅使

萬里為朝使離家今年應知舊行路却上遠歸

船夜泊避蛟窟朝炊求島泉悠々到鄉國還望海
西天

送閑師歸江南

徧徃江南寺隨緣到上京多生脩律業外學得詩
名講殿徧追入齋家別請行青楓鄉路遠幾日盡
歸程

送安法師

出郭見落日別君臨古津遠程無野寺宿處問何
人原色不分路錫聲遙隔塵山陰到家節猶及蕙

蘭春

送僧遊五臺兼謁李司空

遠去見斐節因行上五臺
化樓侵曉出雪路向春
開邊寺連烽去胡兒聽法來
定知迴禮後解夏始
應迴

送闕僧

幾夏京城住今朝獨遠歸
修行四分律護淨七條
衣鉢寺黃橙熟沙田紫芋肥
九龍潭上路同去客
應稀

送徐先生歸蜀

日暮遠歸處雲間仙觀鐘
唯持青玉牒獨立碧巖

峰陰洞長收乳寒潭舊養龍
幾時因賣藥得向海邊逢

送宮人入道

舊寵昭陽裏尋仙此最稀
名初出宮籍身未稱霞衣
已別歌舞貴長隨鸞鶴飛
中官看入洞 駕玉輪歸

莊陵挽歌詞三首

白日已昭々干戈亦漸消
迎師親問道從諫早臨朝
倭倖威雄薄忠良寵錫饒
丘陵今一變無復白雲誼

觀風欲巡洛習戰且開池始改三年政旋閭七月
期陵分內外使官具吉凶儀渭北新園路蕭苑遠
更悲

曉日龍車動秋風闐闐開行惟六宮出執紼萬方
來慄々却原暮遲々挽唱哀空山烟雨夕新栢遠
陵臺

哭山中友人

入雲遙便哭山友隔今生遶墓招魂魄鐫巖記姓
名犬因無主善鶴為見人鳴長說能尸解多應別
路行

水

蕩漾空沙際，虛明入遠天。
秋光照不極，鳥色去無邊。
勢引長雲濶，波輕片雪連。
汀洲香難測，萬古覆蒼烟。

聽夜泉

細泉深處落，夜久漸聞聲。
獨起出門聽，欲尋常澗行。
還疑隔林遠，復畏有風生。
月下長來此，無人亦到明。

古苑杏花

廢苑杏花在，行人愁到時。
獨開新塹底，半露舊燒

枝晚色連荒轍低陰覆折碑
茫茫古陵下春盡又誰知

古樹

古樹枝柯少枯來復幾春
露根堪繫馬空腹定藏人
蠹節莓苔老燒痕霹靂新
若當江浦上行客祭為神

和裴司空以詩請刑部白侍郎雙鶴

皎々仙山鶴遠留閑宅中
徘徊幽榭月嘹唳小亭
風丞相西園好池塘夜水通
從君求置此賞渠與賓同

別鶴

雙鶴出雲谿分飛各自迷
空巢在松頂折羽落紅泥
尋水終不飲逢林亦未栖
別離應易老萬里西
淒淒

和周贇善閨子規

秦城啼楚鳥遠思更紛
况是街西夜偏當雨裏
聞應投最高樹似隔數重雲
此處誰能聽遙知獨
有君

贈太常王建藤杖笏鞋

藤藤剪為杖楚笏結成鞋
稱與詩人用堪隨禮寺

齋尋花入幽徑步月下寒堦以此持相贈君應慙
素懷

答僧拄杖

靈藤為拄杖白淨色如銀得自高僧手將扶病客
身春遊不騎馬夜會亦呈人持此歸山去溪宜戴
角巾

五言排律

新成甲仗樓

謝守起新樓西臨城上頭圖功百尺鹿藏器五兵

修結構榱甍固虛明戶檻幽魚龍卷旗幟雪霜積
戈矛暑雨熇蒸隔涼風宴位留地高形遠出一作出沒
山靜氣清優睥睨斜光微欄干宿靄浮芋_上稭稻
色脉_上苑谿流鹿化黃丞相詩成沈隱侯居茲良
得意殊勝峴山遊

酬李僕射晚春見示

戟戶初晨鶯聲雨後頻虛庭清氣在衆葉濕光
新魚動芳池面苔侵老竹身教鋪嘗酒處自問探
花人獨此長多病幽居欲過春今朝聽高韻忽覺

離埃塵

和李僕射西園

過午歸閑處西亭敞四簷高眠着琴枕散帙檢書
籤印在休適客山晴好捲簾竹涼蠅少到藤暗蝶
爭潛晚鵲頻驚喜踈蟬不許粘石苔生紫點欄藥
吐紅尖虛坐詩情遠幽撰道士兼所營常勝地雖
儉復誰嫌

和李僕射雨中寄虛巖二給事

郊原飛雨至城闕濕雲埋逆點時穿牖浮漚欲上
塔偏滋解箨竹併灑落花槐晚潤生琴匣新涼滿
藥齋從容朝務退放曠掖曹垂盡日無來客閑吟

感所懷

和令狐尚書平泉東莊近屬李僕射因寄十
韻

平地有清泉伊南古寺邊
漲池開遠屋沉野徧澆
田舊隱雖多日新隣得幾年
撰幽皆一絕選勝又
獲全門靜山光別園溪竹影連
斜分採藥徑直過
釣魚船點犬還應識雲霞
頓覺鮮追思應不遠賞
愛諒難偏此處堪長往
遊人早共傳各當思寄重
歸卧恐無緣

和盧常侍寄華山隱者鄭氏

獨住三峰下年深學煉丹一間松葉屋數片石花
剗酒待山中飲琴將洞裏彈開門移遠竹剪草出
幽蘭荒壁通泉架晴崖曬藥壇寄知騎省客長向
白雲看

贈殷山人

蔚々山中客知名四十年恹惶身獨隱冥寞性應
便世業公侯籍生涯黍稷田藤懸讀書帳竹繫網
魚船已種千頭橘新開數脉泉閑遊攜酒遠幽語
向僧偏入洞題松過看花選石眠遊喧長汨沒道
勝即留連自古多高跡如君少比肩耕耘既

一作

此辛苦章句已流傳昔日交遊盛當時省閣賢同
袍還共弊連轡每推先講序居重席群儒願執鞭
滿堂虛左待衆目望焉遷才異時難用情高道自
全畏人顏慘淡疎物勢迤邐違者聞知命吾生復
禮玄冥藏報恩劍久緝養生篇憔悴衆人笑一作天經過
郡守憐少陽悲病鶴霜氣動飢鷓處士誰能薦窮
途世所捐伯鸞甘寄食元淑苦無錢策蹇秋塵裏
吟詩黃葉前故裘餘白頰廢瑟斷朱絃志氣終猶
在道遙任自然家貧念婚嫁身老戀雲烟放逸棲
岩鹿清虛飲露蟬鄭逃秦谷口巖愛越絡邊霄漢

予猶阻榮枯子不牽山城一相遇感激意難宣

送鄭尚書出鎮南海

各用來字
詳韓愈集

遠鎮承新命王程不假催
班行爭路送恩賜併時
來牙旆從城展兵符到府開
蠻聲喧夜市海色浸
一作朝臺畫角天邊月
寒閣巔上梅共知公學重
多是隔年迴

徐州試反舌無聲

夏木多好鳥偏知反舌名
林幽仍共宿時過即無
聲竹外天空晚谿頭雨自晴
居人疑寂寞深院蓋
淒清入霧暗相失當風開
易驚來年上林苑知爾

最先鳴

省試行不由徑

田裏有微徑賢人不復行孰知求捷步又恐異端
成從易衆所欲安邪惠久生誰能違大道共此竟
前程子羽有遺跡孔門傳舊聲今逢大君子士節
自光明

夏日可畏

類詩作
丘為

赫_上溫風扇炎_上夏日徂火威馳迥野畏景鏗
遠途勢矯翔陽翰功分造化壺禁城千品燭黃道一
輪孤落照頻空策餘暉卷夕梧如何倦遊子中路

獨踟躕

罔象得玄珠

赤水今何處遺珠已渺然
離姜徒肆目罔象乃通玄
皎潔因成性圓明不在泉
暗中看夜色塵外照情田
無脛真雞掬懷疑寶易遷
今朝搜得應免媚晴川

丁籤七十五張籍之六

唐音統籤卷

三百四十一

七言律詩一

寒食內宴二首

朝光瑞氣滿宮樓，綵蠹魚龍四面稠。
廊下御厨分冷食，殿前香騎逐飛球。
千官盡醉猶教坐，百戲皆呈未放休。
共喜拜恩侵夜出，金吾不敢問行由。
城闕沈沈向曉寒，恩當冷節賜餘歡。
瑞烟淡處開三殿，香雨微時百官寶樹接前分。
綉幙綠花廊下曛，華欄宮道戲樂年。
別已得三迴對御看。

朝日勅賜櫻桃

仙果人間都未有今朝忽見下天門捧盤小吏初
宣勅當殿群臣共拜恩日色遙分廊下坐露香才
出禁中園每年重此長先熟願得千春奉至尊

拜豐陵

順宗陵
書留守田

紀事云籍此詩及今松尚
入廟送源使忍李僕

射裝相公寺詩
皆善于叙事

歲朝園寢遣公知學省班中亦攝行身逐陵官齊
再拜手持木鐸叩三聲寒更報點來山殿晚炬分
行照栢城却下龍門看漸遠金峰高處日微明

書懷

一作草應物所賦處士永知非是

自小習成跡懶性人間事總無功別從仙客求

方法時到僧家問苦空
老大登朝如夢裏貧窮作
活似村中未能即便休
官去慚愧南山採藥翁

題韋郎中新亭

起得幽亭景最新
碧莎地上更無塵
琴書著盡猶嫌少
松竹栽多不稱貧
藥酒欲開則好客
朝衣暫脫見閑身
成名同日官連署
此處經過有幾人

五六

一聯劉亭
得甚賞之

和裴司空酬蒲揚少尹

聖朝偏重大司空
人詠元和第一功
擁節高臨襄
水上題詩遠入
舜城中
共驚向老
多年別更憶登

科得日同誰不望歸丞相府江邊楊柳又秋風

酬杭州白使君魚寄浙東元大夫

相印暫離臨遠鎮掖垣出守復同時一行已作三年別兩處空傳七字詩越地江山應共見秦天風月不相知人間聚散真難料莫嘆平生信祈之

酬祕書王丞見寄

相看頭白來城闕却憶漳谿舊往還今體詩中偏出格常忝官裏每同班街西借宅多臨水馬上逢人亦說山芸閣水曹雖最冷與君長喜得身閑

新除水曹郎荅白舍人見寄

年過五十到南宮章句無名荷至公黃紙開呈相
府後來衣引入謝班中諸曹縱許為仙侶群吏多
嫌是老翁最幸紫薇郎見愛獨稱官與古人同
以何遜此
之故云

移居靖安坊答元八郎中見寄

長安寺裡多時住難守卑官不厭賁作活每長嫌
費力移居祇是貴容身初開井淺偏宜樹漸覺街
閑省踏塵更喜往還相去近門前減却送書人

田司空入朝

西來將相位魚雄不與諸軍覲禮同早變山東知

順命新收濟上立殊功
朝官叙謁趨門外恩使宣
迎滿路中閣闔曉來銅漏靜
身當受冊大明宮

喜王起侍郎放牒

東風時節近清明
車馬爭來滿禁城
二十八人初

上牒一作 百千萬里盡傳名
詭家不借花園看宿在

處多將酒器行共賀
春司能鑿識今年定
今有公

卿李肇國史補云曲江大會迎來湖上修廡過大

酒器錢角寔其中
送花即飲改張籍詩云
無人

惜花因宿到處皆携酒
器行其皮袋狀元御事同
然檢閱一則蜀金曲江之
宴行車馬闔塞莫可

送神 半空公卿家率以是日
揀選東林車馬闔塞莫可

賀秘書王丞南郊攝將軍

正初天子親郊禮詔攝將軍領衛兵斜帶銀刀入
黃道先隨玉輅到青城壇邊不在千官位仗外唯
聞再拜聲共喜與君逢此日病中無計得隨行

贈閻少保

辭榮戀闕未還鄉修養年多氣力強半俸歸燒伏
火藥全家解說養生方特承恩詔新開戟每見公
卿不下牀竹樹清溪院靜長懸石磬在虛廊

贈孔尚書

能將直道歷榮班事若元和實錄間三表自陳辭

北闕一家相送入南山買來侍女教人嫁賜得朝
衣在篋閑宅近青山高靜處時歸林下暫開闕

同將作韋二少監贈水部李郎中

舊年同是北曹郎各罷魚符自楚鄉重著青衫承
詔命齊趨紫殿異班行別來同說經過事老去相
傳補養方憶得當時亦連步如今獨在讀書堂

贈商州王使君

銜命南來會郡堂却思朝裏接班行才雄猶是山
城守道薄初為水部郎選勝長留開客館尋幽吏
引到僧房明朝從此辭君去獨出商閭路漸長

贈李杭州

仙郎白首未歸朝，應為蒼生領六條。
惠化州人盡清淨，高情野鶴共逍遙。
竹間虛館無朝訟，山畔青田長夏苗。
終日政聲長獨坐，開門唯望浙江潮。

贈令狐博士

頭白新年六十餘，近間生計轉空虛。
久為博士誰人識，自到長安賃舍居。
騎馬出隨遊寺客，呼兒散寫乞錢書。
古來賢哲皆如此，應是才高與衆疎。

贈王侍御

心同野鶴興塵遠，詩似冰壺見底清。
府縣同趨昨

日事升沉不改故人情上陽春晚蕭蕭雨洛水寒
來夜半聲自嘆獨為折腰吏可憐驄馬路傍行

贈趙將軍

當年膽略已縱橫每見妖星氣不平身貴早登龍
尾道功高自破鹿頭城尋常得對論邊事委曲承
恩掌內兵會取安西將報國凌烟閣上大書名

逢王建有贈

年狀皆齊初有髭鵲山漳水每追隨使君座下朝
聽易處士庭中夜會詩新作句成相借問開求義
盡共尋思經今三十餘年事却說還同昨日時

贈王秘書

不曾浪出謁公侯，唯向花間水畔遊。
每着新衣看藥竈，多收古器在書樓。
有田一作官祇作山人老，平地能開洞穴幽。
自領閑司了無事，得來君處喜相留。

贈王秘書

早在中身價遠，曾將竒策佐嫖姚。
賦來詩句無閑語，老去官班未
在朝。身屈祇聞詞客說，家貧多見野僧招。
獨從書閣歸時晚，春水渠邊看柳條。

贈王司馬

白芟朱杉年少時，久登班列會朝儀。
貯財不省閑

身用行義唯愁被衆知藏得寶刀求主帶調成駿
馬乞人騎未曾相識多聞說遠望長如玉樹枝

贈賈島

籬落荒涼僮僕飢樂遊原上住多時寒驢放飽騎
將出秋卷裝成寄與誰拄杖傍田尋野菜封書乞
米趁時炊姓名未上登科記身屋惟應內史知

贈項斯

端坐吟詩忘忍飢

一作盡日吟
詩坐忍飢

萬人中覓似君稀

門連野水風長到驢放秋原夜不歸日暖剝收新
落葉天寒更着舊生衣曲江亭上頻見為愛鷗

鷓鴣裏飛

胡山人歸王屋因有贈

轉、無成到白頭人間舉眼盡堪愁此生已是蹉
跎去每事終從鹵莽休雖作閑官少拘束難逢勝
景可淹留君歸興訪移家處若個峰前最較幽

贈梅寔士

早聞聲價滿京城頭白江湖放曠情講易自傳新
註義題詩不著鴝官名近移馬迹山前往多向牛
頭寺裏行天子如今議封禪應將束帛請先生

贈廣宣師

自到王城得幾年，已童蜀馬共隨緣。
兩朝侍從當時貴，五字聲名遠處傳。
因住紅樓通內院，新承墨詔賜齋錢。
開房暫喜居相近，還得陪師坐竹邊。

大白老人

日觀東峰幽客住，竹巾藤帶久逢迎。
暗修黃籙無人見，深種胡麻共犬行。
洞裏仙家常獨往，壺中靈藥自為名。
春泉四面逸茅屋，日下唯聞杵臼聲。

羅道士

城裏無人得實年，衣襟常帶臭黃烟。
樓中賒酒唯留藥，洞裏爭棋不賭錢。
聞客語聲知貴賤，持花歌

詠似狂顛尋常行處頻逢見世上多疑是謫仙

崑崙峯兒

崑崙家住海中州蠻客將來漢地遊言語解教秦
吉了波濤初過鬱林洲金環欲落曾穿耳螺髻長
卷不爨頭自愛肌膚黑如漆行時半脫木棉裘

早朝寄白舍人嚴郎中

鼓聲初動未聞雞羸馬街中踏凍泥燭暗有時衝
石柱雪深無處認沙堤常奉班裏人猶少待漏房
前月欲西鳳閣星郎雖去遠閣門開處入還齊

寄白二十二舍人

早知內詔過前輩，踏蹬江南百事疎。
湓浦城中為上佐，爐峰寺後著幽居。
偏依仙法多求藥，長共僧遊不讀書。
三省比來名望重，肯容君去樂樵漁。

寄蘇州白二十二使君

一作楊巨源詩

三朝出入紫微臣，頭白金章未在身。
登第早年同座主，題詩今日是州民。
閭門柳色烟中遠，茂苑鶯聲雨後新。
此處吟詩向山寺，知君忘却曲江春。

書懷寄元郎中

轉覺人間無氣味，常因身外省回緣。
經過獨愛遊山客，計校唯求買藥錢。
重作學官閑盡日，一離江

塢病多年吟君釣客詞中語便欲南歸榜小船

寄元員外

外郎直罷無餘事掃洒書堂試藥爐門巷不教當
要鬧詩篇轉覺足功夫月明臺上唯僧到夜靜坊
中有酒沽朝省入頻開日少可能同伴舊遊無

寄令狐賓客

勳名盡得國東家一作家傳退狎琴僧興酒仙還帶郡
符經幾處暫辭台座已三年留司未到龍楼下拜
表長懷玉案前秋日出城伊水好領誰相逐上閑

船

寄王六侍御

漸覺近來筋力少，難堪今日在風塵。
誰能借問功名事，祇自扶持老病身。
貴得藥資將助道，肯嫌家計不如人。
洞庭已置新居宅，歸去期君興作鄰。

書懷寄玉秘書

白髮如今欲滿頭，從來百事盡應休。
祇於觸目須防病，不擬將心更養愁。
下葉遠求新熟酒，看山多上最高樓。
賴君同在京華住，每到花時免獨遊。

寄虔州韓使君

南康太守負才豪，五十如今未擁旄。
早得一人知

姓字常聞三事說功勞月明渡口漳江靜雲散城
頭豁石高郡政已成秋思遠閑吟應不問官曹

寄和州劉使君

別離已久猶為郡閑向春風倒酒餅送客時過沙
口店看花多上水心亭曉來江氣連城白雨後山
光滿郭青到此詩情應更遠醉中高詠有誰聽

寄洛陽孫明府

格

久持刑憲聲名遠好是中朝正直臣赤轡上來應
足事青衫老去未離身常思從省連歸馬乍覺同
班少舊人遙愛南橋秋日晚兩邊楊柳映天津

寄陸渾趙明府

與君學省同官處常日相隨說道情
新作陸渾山縣長早知三禮甲科名
郭中時有仙人住城內應多藥草生
公事稀疎來客少無妨着屐獨閑行

寄梅處士

授_上人間是與非官閑自覺省心機
六行班裏身常下九列符中事亦稀
市客慣曾賒賤藥家童
驚見着新衣君今獨得居山樂
應笑多時未辦歸

丁籤七十五張籍之七

唐音統籤卷

三百四十二

七言律詩二

蘇州江岸留別樂天

一作白居易詩

銀泥裙映錦障泥，
画舸停梳馬簇蹄。
清管曲終鸚鵡語，
紅旂影動薄寒嘶。
漸消酒色朱顏淺，
欲話離情翠黛低。
莫忘使君吟咏處，
女墳湖比武丘西。

贈別王侍御赴任陝州司馬

京城在處閤人少，
唯共君行並馬蹄。
更和詩篇名最出，
對傾盃酒戶常齊。
同趨闕下聽鐘漏，
獨向軍

前聞鼓鼙今日春明門外別更無因得到街西

送和番公主

塞上如今無戰塵漢家公主出和親
邑司猶屬宗鄉寺冊號還同虜
帳人九姓旗旛先引路一生衣服
盡隨身禮城南望無迴日空見沙
蓬水柳春

送令狐尚書赴東都留守

朝廷重寄在關東共說從來選上公
勲業新成大梁鎮恩榮更守洛陽宮
行香暫出天橋上巡禮常過禁殿中
每領群臣拜章慶半間門仗日曛

送裴相公赴鎮太原

盛德雄名遠近知
功高先乞守藩維
御恩暫遣分龍節
署勅還同在鳳池
天子親臨樓上送
朝官齊出道邊辭
明年塞北清蕃落
應建生祠請立碑

送李僕射赴鎮鳳翔

由來勲業屬英雄
兄弟連榮列位同
先入賊城擒首惡
盡封官庫護元公
旌幢獨繼家聲外
竹帛新添國史中
天子欲收秦隴地
故教移鎮在扶風

送李司空赴鎮襄陽

中外兼推社稷臣
千官齊出拜行塵
再調宮闕勳庸盛
三受兵符罷命新
商路雪明旗旆遠
楚堤梅

發驂亭春襄陽風景由來好重興江山作主人

送鄭尚書赴廣州

聖朝選將持符節內制宣時百辟聽海北蠻夷來
舞蹈嶺南封管送圖經白鷗飛遠迎官舫紅檣開
當讌客亭此處莫言多瘴癘天邊看取老人星

送白賓客分司東都

赫赫聲名三十春高情人獨出埃塵病辭省閣歸
閑處思許宮曹作上賓詩裏難同親得伴酒邊多
見自由身老人也擬休官去便是君家池上人

送揚少尹赴鳳翔

詩名往日動長安首、人家卷裏看西學已行秦
博士南宮新拜漢郎官得錢祇了還書鋪借宅常
時事藥欄今去岐州生計薄移居偏近隴頭寒

送楊少尹赴蒲城

官為本府當身榮因得還鄉任野情自廢田園今
作主每逢耆老不呼名舊遊寺裏僧應識新別橋
邊樹已一作亦成公事况一作多閑詩更好將誰相逐

上山行

送汀州源使君

曾成趙北歸朝計因拜王門最好官為郡暫辭雙

鳳闕全家遠過九龍灘山鄉祇有輪蕉戶水鎮應
多養鴨欄地僻尋常來客少刺桐花發共誰看

送邵州林使君

詞客南行寵命新瀟湘郡入曲江津山幽自足撰
微處俗朴應無爭競久郭外相連排殿閣市中多
半用金銀知君不作家私許遷日還同到日貧

送揚州判官

茅山志作贈
茅山揚州判官

應得烟霞出俗心茆山道士共追尋閑憐鶴親偏
能畫暗辨桐聲自作琴長嘯每來松下坐新詩堪
向雪中吟征南幕裡多賓客君獨相知最校深

送浙西周判官

由來自是烟霞客，早已聞名詩酒間。
天闕因將賀表到家鄉，新着賜衣還。
常吟卷裏相酬句，自話湖邊舊住山。
吳越主人偏愛重，多應不肯放君閑。

送侯判官廣州從軍

年少才高求自展，將身萬里赴軍門。
辟書遠到開呈客，公服新成着謝恩。
醉舫過江分白堊，戍亭當嶺見紅旂。
海花蠻草連冬有，行處無家不滿園。

送韓侍御歸山

聞君久卧在雲間，為佐嫖姚未得還。
新結茅廬招

隱客獨騎驄馬入溪山九靈洞口行應到五粒松
枝醉亦攀明日珂聲出城去家僮不復掃柴關

送枝江劉明府

老著青衫為楚宰平生志業有誰知家僮隨去愁
行遠縣吏迎來惟到遲定訪玉泉幽院宿應過碧
澗早茶時向南漸近雲山好一路唯聞唱竹枝

送李餘及第後歸蜀

十年人詠好詩章今日成名出舉觴歸去唯將新
詔牒後來爭取舊衣裳山橋曉上蕉花暗水店晴
看芋葉光鄉里親情相見日一時携酒上高堂

送施肩吾東歸

知君本是烟霞客，被薦因來城闕間。
世業偏臨七里瀨，仙遊多在四明山。
早聞詩句傳人徧，新得科名到處閑。
惆悵灞亭相送去，雲中琪樹不同攀。

送從弟漾赴饒州

京城南去鄱陽遠，風月悠悠別思勞。
三領郡符新寄重，再登科第舊名高。
去程江上多看堠，迎吏船中急帶刀。
到日更行清静化，春天應不見蓬蒿。

送從弟彤東歸

雲水東南兩月程，貪歸慶節馬蹄輕。
春橋欲醉攀

花別野路閑吟觸兩行詩價已高猶失意禮司曾
賞會成名舊山風月知應好莫過秋時不到京

送從弟徹東歸

緱山領印知公奏才稱同時盡不如奉使賀成登
冊禮陪班看出降恩書回程去在秋塵裡受詔辭
歸曉滿初早晚得為朝署拜閑坊買宅作隣居

送金少卿副使歸新羅

雲島茫茫天半畔一作微向東萬里一帆飛久為侍
子承恩重今佐使臣銜命歸過海便應將國信到
鄉猶自著朝衣從前此去無人數光彩如君定是

稀

送稽亭山寺僧

師住稽亭高處寺斜廊曲閣倚雲開山門十里松
間入泉澗三重洞裏來名岳尋遊今已徧家城禮
謁便應迴舊房到日閑吟後林下還登說法臺

送胡鍊師歸玉屋

玉陽峰下學長生洞府仙鄉已有名獨戴熊鬚冠
暫出唯將鶴尾扇同行煉成雲母休吹爨召得雷
公常吏兵却到瑤壇上頭宿應聞空裏步虛聲

哭丘長史

曾見先皇殿上臣，丹砂久服不成真。
常騎馬在嘶空，擬自作書留別故人。
詩句徧傳天下口，朝衣徧送地中身。
最悲昨日同遊處，看却春風樹上新。

東風處
春

哭元九少府

平生志業獨相知，早結雲山老去期。
初作學官常共宿，晚登朝列暫同時。
開來各數經過地，醉後齊吟唱和詩。
今日春風花滿宅，入門行哭見靈帷。

哭胡十八遇

早得聲名年尚少，尋常志氣出風塵。
文場繼續成

三代家族輝華在一身
幼子見生才滿月
選書知
寫未呈人送君帳
下衣裳白數尺
墳頭柏樹新

答白杭州郡樓登望
畫圖見寄

畫得江城登望處
寄來今日到長安
乍驚物色從
詩出更想工人下手難
將展書堂偏覺好
每來朝
客盡來看見君向北
閑吟意肯恨當時
作外官

酬浙東元尚書見寄綾素

越地繒紗紋樣新
遠封來寄學曹人
便令裁制為
時服頓覺光榮上
病身應念此官同
橐置獨能相
賀更殷勤
三千里外無由見
海上東風又一春

謝裴司空寄馬

王介甫以三四句為此馬必驚而善驚者宋斧曰籍為晉

公所厚以詩謝馬堂有此自是介甫所以期籍者淺也

驟耳新駒駿得名司空遠自寄書生乍離華厩移
歸澁初到貧家覺眼驚每被閑人來借問多尋古
寺獨騎行長思歲旦沙隄上得從鳴珂傍火城

五言絕句

涇州塞

行道涇州塞唯聞羌戍聲道邊殘古堠猶記向安
西

野田

羃日野田草，中牛羊道古。墓無子孫白楊，不得

老

劉辰翁
云頓挫

惜花

山中春已晚處，見花稀。明日來應盡林間，宿不
歸

岬花

可憐岸邊樹，紅蕊發青條。東風吹渡水，衝着木蘭
橈

和韋開州盛山十二首

宿雲亭

清淨常深處虛明向遠開
卷簾無俗客應只見雲
來

桃塢

春塢桃花發多將野客遊
日西殊未散看望酒缸
頭

梅溪

自愛新梅好行尋一徑斜
不教人掃石恐損落來
花

茶嶺

紫芽連白蕊初向嶺頭生
自看家人摘尋常觸露

行

流杯渠

深酒白螺杯隨流去復回似知人把處各向面前
來

盤石磴

壘石連空遠層々勢更危不知行幾匝得到上頭
時

竹巖

獨入千竿裏綠岩踏石層笋頭齊欲出更不許人
登

琵琶臺

臺上綠蘼春閑登不待人每當休暇日著履戴綸
巾

胡蘆沼

曲沼春流滿新蒲吹野鷓閒齋朝飯後拄杖逸行
多

隱月岫

月出深峰裏清光夏亦寒每嫌西落疾不得到明
看

繡衣石榻

山城無別味，藥菜兼魚果。時引繡衣人，同來石上坐。

上士泉餅

塔上一眼泉，四邊青楚楚。楚一作石唯有護淨僧，添餅

將盥漱。

西峰僧

獨在西峰頂，年久閉石房。定中無弟子，人到為焚香。

寄西峰僧

松暗水涓涓，夜涼人未眠。西峰月猶在，遙憶草堂

前

別于鵠

離燈及晨輝行人起復思出門兩相顧青山路遠
迤

送遠客

憔悴遠行客殷勤欲別杯九星壇下路幾日見重
來

題暉師影堂

前
早日欲參禪竟無相識緣道場今獨到惆悵影堂

丁籤七十五張籍之八

唐音統籤卷

三百四十三

七言絕句

宮詞二首

新鴈初放兔初

一作肥

白日君王在內稀薄暮千

門臨欲鎖紅粧飛騎向前歸

黃金捍撥紫檀槽絃索初張調更高盡理昨來新

上曲內官簾外送櫻桃

涼州詞三首

邊城暮雨雁飛低簾穿初生漸款齊無數鈴聲遙

過磧應馱白練到安西

古鎮城門白磧開胡兵往々傍沙堆
巡邊使客行應早每待長安火到來
鳳林關裏水東流白草黃榆六十秋
邊將皆承主恩澤無人解道取涼州

吳楚歌詞

庭前春鳥啄林聲紅夾羅襦縫未成
今朝社日停針線起向朱櫻樹下行
聖庄謾錄云今人家閨房遇春秋社日不作組紉謂

之思作

倡女詞

輕鬢叢梳潤掃眉為嫌風日下
樓稀畫羅金縷難

相稱故著尋常淡薄衣

成都曲

錦江迤西烟水綠
新雨山頭荔枝熟
萬里橋邊多酒家
遊人愛向誰家宿

春隄曲

野塘鷓鴣飛樹頭
綠波紫菱蓋碧流
誰家狂客愛雲水
日夕獨來城下遊

寒塘曲

寒塘沉柳葉
疎水暗人語
鷺棲鳧舟中
少年醉不起
持燭照水射遊魚

春別曲

長江春水綠堪染蓮葉出水大如錢江頭橋樹君
自種那不長繫木蘭船

離宮怨

高堂別館連湘渚長向春光開萬戶荆王去已不
復來宮中美人自歌舞

楚妃怨

梧桐葉下黃金井橫架鏡奩素綉美人初起天
未明手拂銀瓶秋水冷

春日早朝

曉陌春寒朝騎來
瑞雲深處見樓臺
夜來新雨沙堤濕
東上閣門應未開

寺宿齋

晚到金光門外寺
中新竹隔簾多齋宮
禁與僧相見
院中開門不得過

感春

遠客悠悠任病身
謝家池上又逢春
明年各自東西去
此地看花別入

秋思

洛陽城裏見秋風
欲作家書意萬重
重復恐匆匆說

不盡行人臨發又開封

閑遊

老身不許人間事
野寺秋晴每獨遊
過病眼校來猶斷酒
却嫌行處菊花多

秋山

秋山無雲復無風
溪頭看月出深松
草堂不閉石床靜
葉間墜露聲重

患眼

三年患眼今年校
免與風光便隔生
昨日韓家後園裏
看花猶似未分明

與弟張蕭遠雪夜同宿

數卷新遊蜀地詩
長安僻巷得相隨
草堂雪夜携琴宿
說似青城館裏時

同韓侍御南谿夜賞

喜作閑人得出城
南谿兩月逐君行
忽聞新命須歸去
一夜船中語到明

與賈島閑遊

水北原南草色新
雪消風暖不生塵
城中車馬應無數
解得閑行有幾人

逢賈島

僧房逢著歎冬花出寺行吟日已斜十二街中春
雪遍馬蹄今去入誰家

喜王六同宿

十八年來恨別離唯同一宿咏新詩更相借問詩
中語共說如今勝舊時

招周居士

閉門秋雨濕墻莎俗客來稀野思多已掃書齋安
藥窺山人作意早經過

逢故人

山東二十餘年別今日相逢在上都說盡向來無

限事相看摩盡白髭鬚

同韋員外開元觀尋時道士

竹裏初晴竹樹涼
閑行共到最高房
昨來官罷無生計
欲就師求斷殺方

尋徐道士

尋師遠到暉天觀
竹院森森閉藥房
聞入靜來經七日
仙童簷下獨焚香

尋仙

谿頭一徑入青崖
處處仙居隔杏花
更見峰西幽客說
雲中猶有兩三家

題渭北寺上人

昔祭郊壇今謁陵寺中高處復來登
十餘年後人多別喜見當時轉讀僧

華清宮

溫泉流入漢離宮、樹行、浴殿空
武帝時人今欲盡青山猶閉御墻中

宮山祠

秋草宮人斜裏墓宮人誰送
莖來時千、萬、皆如此家在城邊亦不知

玉真觀

臺殿曾為貴主家春風吹盡竹窻紗院中仙女修
香火不着閑人入看花

玉山館

長谿新雨色如泥野水陰雲盡向西楚客天南行
漸遠山_上樹裏鷓鴣啼

題楊秘書新居

愛閑不向爭名地宅在家西最靜坊卷裏詩過一
千首白頭新受秘書郎

題玉像堂

玉毫不着世間塵輝相分明十八身入夜無烟燈

更好堂中唯有轉經人

題山寺僧院

終日不離塵土間若為人能一作見此身閑今朝暫
共遊僧語更恨多時別舊山

題僧院

聞師行講青龍疏本寺住來多少年靜掃空房唯
獨坐千莖秋竹在簷前

法雄寺東樓

汾陽舊宅今為寺猶有當時歌舞樓四十年来車
馬絕古槐溪巷暮蟬愁

題方睦上人月臺觀

一身清淨無童子獨坐空堂得幾年
每夜焚香通月觀可憐光影最團圓

弱柏院僧影堂

弱柏倒垂如線蔓簷頭不見有枝柯
影堂香火長相續應得人來禮拜多

同嚴給事聞唐昌觀玉葉近有仙過
句二首

千枝花裏玉塵飛阿母宮中見亦稀
應共諸仙鬪百草獨來偷折一枝歸

九色雲中紫鳳車，尋仙來到洞仙家。
飛輪迴處無踪跡，唯有班班滿地花。

華山廟

金天廟下西京道，巫女紛紛走似烟。
手把紙錢迎過遣，求恩福到華神前。

重陽日至峽道

無限青天一作山行已盡，迴看忽覺遠離家。
逢高欲飲重陽酒，山菊今朝未放花。

平望驛作

茫茫菰草平如地，渺渺長堤曲似城。
日暮未知投

宿處逢人更問向前程

使行望悟真寺

採玉峰連佛寺幽，高々斜對驛門樓。
無端來去騎官馬，寸步教身不得遊。

憶故州

壘石為山伴野夫，自收靈藥讀仙書。
如今身是他州客，每見青山憶舊居。

憶遠

行人猶未有歸期，萬里初程日暮時。
唯愛門前雙柳樹，枝々葉々不相離。

蠻州

一作杜牧詩

瘴水蠻中入洞流人家多住竹棚頭一山海上無
城郭唯見松牌記象州

蠻中

銅柱南邊毒草春行人幾日到金滿玉環穿耳誰
家女自抱琵琶迎海神

顏會金滿交跡地名水經注所謂金滿清滿也今本

作金麟誤

和長安郭明府與友人縣中會飲

一罇清酒兩人同好在街西水縣中自恨病身相
去遠此時閑坐對秋風

病中酬元宗簡

東風漸暖滿城春，獨向僧房養病身。
莫說櫻桃花已發，今年不作看花人。

酬朱慶餘

撫言云籍於後進，進退賞度餘，指贊于時慶餘，近試日上籍，問意一篇。

云粒罷低，志問夫婿，画眉深，淺入時無籍，答之是年成名。

越女新粧出鏡心，自知明艷更沈吟。
齊紈未是人間貴，一曲菱歌敵萬金。

答劉明府

身病多時又客居，滿城親舊久相疎。
可憐絲縣劉

明府獨解頰，寄遠書。

答劉競

劉君久被時拋擲老向城中作選人昨日街西相
近住每來存問老夫身

同白侍郎杏園贈劉郎中

一去瀟湘頭已白今朝始見杏花春從來遷客應
無數重到花前有幾人

贈主客劉郎中

憶昔君登南省日老夫猶是褐衣身誰知二十餘
年後來作客曹相替人

贈李司議

漢廷誰問投荒客十載天南著白衣
秋草茫茫惡谿路崩頭還送北人歸

贈姚合

丹鳳城門向晚開千官相次入朝來
唯君獨走衝塵土下馬橋邊報直迴

贈施肩吾

世間漸覺無多事雖得空名未著身
合取藥成相待喫不須生作上天人

贈任道人

長安多病無生計藥舖醫人亂索錢
欲得知身

上事憑君為算小行年

贈道士

茅山志作劉漢
遠茅山道士

茆山近別剡谿逢玉節青旂十二重
自說年七上天去羅浮最近海遶峰

贈華嚴院僧

一身依止荒閑院
燭耀窓中有宿烟
徧禮華嚴經
裏字不曾行到寺門前

寄白學士

自掌天書見客稀
縱因休沐鎖菱扉
幾迴扶病欲
相訪知向禁中歸未歸

寄李渤

五度谿頭躑躅紅
嵩陽寺裡講時鐘
春山處處行
應好一月看花到幾峰

寄宋景

詔發官兵取亂臣
將軍弓箭不離身
君今獨在征
東府莫遺功名屬別人

寄徐晦

鄴陂魚美酒偏濃
不出琴齋見雪峰
應勝昨來趨
府日簿書林上亂重

寄王奉御

愛君紫閣峰前好新作書堂藥電成見說移居相
近任有田多與種黃精

登樓寄胡家兄弟

獨上西樓盡日閑林烟演漾鳥綿蠻謝家兄弟重
城裏不得同看兩後山

寄朱闕二山人

為箇朝章束此身眼着東路去無因歷陽舊客今
應少轉憶隣家二老人

寄故人

靜曲閑房病客居蟬聲滿樹槿花疎故人祇在藍

田縣強半年來未得書

寄府吏

野外尋花共作期今朝出郭不相隨
待君公事有閑日此地春光應過時

宿天竺寺寄靈隱寺僧

夜向靈谿息此身風泉竹露淨衣塵
月明石上堪同宿那有山南山北人

送梧州王使君

楚江亭上秋風起看發蒼梧太守船
千里同行從此別相逢久隔幾多年

送辛少府往安縣

才多不肯浪容身老大詩章轉更新
選得天台山下住一家全作學仙人

送元宗簡

貂帽垂肩窄皂裘
雪深騎馬向西州
暫時相見還相送
却閉閑門依舊愁

送陸暢

共踏長安街裏塵
吳州門一作獨作未歸身
昔年舊

宅今誰住君過西堂與問人

送元紹

昔日同遊漳水邊，如今重說恨綿綿。
天涯相見還離別，客路愁風又幾年。

送許處士

高情自與俗人殊，獨向藍谿僻處居。
會到白雲長取醉，不能窻下讀閑書。

送元八

百神齋祭相隨徧，尋水看山亦共行。
明日城西送君去，舊遊重到獨題名。

送蜀客

蜀客南行聽碧雞，木綿花發錦江西。
山橋日晚行

人少時見猩_匕樹上啼

送客遊蜀

行盡青山到益州錦城樓下二江流杜家曾向此
中住為到浣花谿水頭

別客

青山歷_匕水悠_匕今日相逢明日秋繫馬城邊楊
柳樹為君沽酒暫淹留

送暉師

九星臺下煎茶別五老峰頭覓寺居作得新詩旋
相寄人來請莫達空書

送律師歸婺州

京中開講已多時，曾作壇頭證戒師。
歸到雙溪橋北寺，鄉僧爭就學威儀。

送僧往全州

聞道谿陰山水好，師行一一編。
經過事須覓取堪居處，若個谿頭築最多。

送蕭遠弟

街北槐花傍馬垂，病身相送出門遲。
與君別後秋風夜，作得新詩說向誰。

哭丘長史

丘公已歿故人稀欲過街西更訪誰每到子城東
路上憶君相逐入朝時

哭孟郊

曲江院裏題名處十九人

唐進士登科記孟郊乃中書舍人高郵所取第

十六名其年進士十七人博學宏詞二人故詩云十九人
吟不見杏花零落寺門前

鄰婦哭征夫

雙鬢初合便分離萬里征夫不得隨今日軍回身
獨死去時鞍馬別人騎

題故僧影堂

香消雲鎖舊僧家
僧剃殘形半壁斜
日暮松烟寒
漠漠秋風吹破紙蓮花

劉兵曹贈酒

一餅顏色似秋泉
開向新栽小竹前
飲罷身中更
無事移床獨就夕陽眠

答元八遺紗帽

黑紗方帽君邊得
稱對山前坐竹床
唯恐被人偷
樣剪不曾閑戴出書堂

酬藤杖

病裏出門行步遲
喜君相贈古藤枝
倚來自覺身

生力每向傍人說得時

美人宮碁

紅燭臺前出翠娥
海沙鋪局巧相和
趨行移手巡
收盡數上看誰得最多

和裴僕射看櫻桃花

昨日南園新雨後
櫻桃花發舊枝柯
天門不待人
同看逸樹重履迹多

九華觀看花

街西無教閑遊處
不似九華仙觀中
花裏可憐池
上景幾重牆壁貯春風

唐昌觀看花

新紅舊紫不相宜
看覺從前兩月遲
更向同來詩
客道明年到此莫過時

崔駙馬養鶴

身閑無事稱高情
已有人間章句名
求得鶴來教
剪翅望仙臺下必將行

山禽

山禽毛如白練帶
棲我庭前栗樹枝
獼猴夜半來
取栗一雙中林向月飛

和崔駙馬聞蟬

鳳凰樓下多歡樂不覺秋風暮
兩天應為昨來身
暫病蟬聲得到耳傍邊

答開州韋使君寄車前子

開州午日車前子作藥人皆道
有神慙愧使君憐
病眼二千里外寄閑人

答鄱陽客藥名詩

江臯歲月相逢地黃葉霜前半
下枝子夜吟詩向
松桂心中萬事喜君知

句

韓公國大賢道德赫已聞
時出為陽山爾區來趨